

QVÆSTIO MEDICA

QVODLIBETARIIS DISPVATIONIBVS MANE DISCVTIENDA

IN SCHOLIS MEDICORVM, DIE IOVIS XVII. DECEMBRIS,

M. IOANNE DE GORRIS Doctore, Medico Regio Præside.

1030

An Animi Mores sequantur corporis temperamenta?

FVNCTIONVM Animi & humani corporis ea est dignitas atque præstantia, ut illas quis iure credat nonnisi ab eo quod *ὁ θεός* est proficisci; Animam intelligo & idoneam corporis temperiem: Anima est diuina mens quædam, sensibus nostris imperia, à materiæ commercio libera, exors elementorum & functionum varietate multiplex, quas edit facultatum ministerio: Facultas est vis illa & potestas quam anima de sinu suo promittit, & ad munerum functiones profert: nulla autem vis animæ, quæ obstructa sit corpori, efficere quicquam potest sine instrumenti alicuius subsidio: Est vero corporis temperies instrumentum agentis animæ, symmetria & concentus primarum quatuor qualitatum ex elementorum permissione, ut nobis censeretur debeat commentitia illa quorundam quinta qualitas: Temperies corporis tantæ est latitudinis, ut constituat nouem temperamentorum genera, temperatum vnum, octo imtemperata, simplicia quatuor, totidem composita: aliud iustitiâ, aliud pondere temperatum; vtrumque illud in Naturâ verè subsistens: Sed ne dixeris vllum vocari temperamentum biliosum, sanguineum, pituitosum & melancholicum, ista sunt hominis quidem non temperamenti appellationes consentaneæ: est autem in singulis partibus animantis conspicua illa temperamentorum varietas, tantæque dignitatis, ut sine illâ stare non possit diuini animantis fabrica, non illius vita contineri, non sui animi mores effingi, tantæ molis fuit, condere illud nostri diuini senis *ὁ πάλαι τοῦ χριστιανισμοῦ ἀρχηγός*.

ILLAM quatuor qualitatum temperiem caue dixeris animæ essentiam: Est animæ Natura aliquid præstantius; non ex traduce sed cœlitis oriunda, principium & causa functionum corporis viuientis; & naturalis illa quidem, sentiens & intelligens: per illam sata atque stirpes nutriuntur, animalia mouentur & sentiunt, homo (non verò bruta) ratiocinatur & intelligit, sed cuius anima in corporis domicilium coniecta sui ampliùs iuris non sit, sed sensibus mancipata; dum soluta est à corporis vinculis, omnia per se spectat nullo sensuum ministerio, idque purè dilucidè & quale quidque sit: non soluta habet sua cum corpore functionum vitæ commercia, cuius illa perfectio quædam est, & absolutio: sic ancillantur illa sibi mutuùm ad functiones edendas: Sua Animæ corpus elargitur organa & velut ex obsequio. Dat Anima ceuiurè imperij facultates & spiritus, ut illas sic & hos triplices, naturales, vitales, animales, nec non sedibus distinctis, hepate, corde & cerebro: & spiritus quidem insitos illos & influentes, corpora ætherea, facultatum sedes & vincula: sic se dedens anima totam in toto, & totam in qualibet corporis parte: Quàm mirum sic misceri diuina cum humanis, ut addubites, nùm anima corporea, vel corpus spiritale dicenda sint.

SIMPLEX est Animæ substantia, sed quæ multis facultatibus & viribus se fundit atque ostentat: Hinc illa effectuum operumque varietas: si spectes corporis functiones Anima naturæ vtens facultatibus corpus alit vniuersum, vtens vitalibus hominis vitam sustinet: est & hæc omnibus fons & principium sensus & motus: si animi mores, hos & format & effingit, sed multa in corpore existunt, quæ illius functiones iuuent & acuant, multa quoque obtrudant & impediunt, agunt si quidem facultates pro variâ corporis temperie, qualitatun primarum conditione, humorum varietate & partium structurâ, denique & locorum & alimentorum ratione diuersâ. Calidior corporis temperies cum qualitatun exuperantiâ igneus parit & delirios animi mores, infert vim animæ, sed & illam non raro sejungit à corpore; argumento sunt melancholiz, furores, phrenitides: Temperies frigidior dum spiritus dissolutos cogit, figit, densat & coagulat impensius, hebetes parit, & ignauos animi mores, demum calore extinctâ vitâ fugit indignata: Quæ siccior est temperies sapè sapientiz comes est, & vbi splendor sicus ille animus sapientissimus: Impensior verò humiditas tam segnes parit atque stolidos, vix vt animam his inesse crederes.

ECQVID non designat humorum plenitudo, & illorum exuperans temperies? Maxima est & admirabilis in sanguine facultas, is humor princeps, temperatus, pulcherrimus, optimus, substantiâ mediocrius dulcis ille solusque nutrens, nec non & frænum bilis, cuius dum moderatur aculeos non parum confert ad prudentiam: hic parit candidos & hilares animi mores: Bilis humor flauus, calidus siccus, amarus, alendo corpori neutiquâ idoneus: quos ipsius imperium exercet alacres sunt, audaces, impauidi, Innoxia illa quidem si fuerit crassiorum humorum mole velut obice intercepta: quod si solitaria incanderit omnia turbat, vastat, depopulatur, & facit præcipientes & temerarios animi mores. Pituita totius sanguinis portio crudior est, humor dulcis, frigidus humidus, in alimoniam per inedias faciens: ille suo motu segnis adeo parumque actiuus, ut tardos faciat & imbelles, si quidem in pituitosis omnia torpent, spiritus crassi nebulosique dominantur: Melancholicum succum frigidum siccum, cuius lien sedes est, quo teneam vultum mutantem Prothea nodò? Ille si in bilem atram degeneret, si ex fœce non vltâ fiat fœx vltâ, tum vbiq; cum in ægris corporibus tum animi moribus desperatio, quod si succus ille incaluerit *μυστος*, si aliquid bilis & sanguinis illi accedat, erit tum clarorum ingeniorum & sapientiz parens, & emerget cum præstantissimâ temperie *παῖς* illud *ἡρώδης* celsis dumtaxat dignum & sublimibus ingeniis.

SEQVNTVR etiam animi mores structuram partium corporis: Eadem quidem est Anima & par in omnibus, sed illius in Therсите & Socrate longè dispar vis & efficientia, non quia in illis propriæ substantiæ iacturam quamdam fecerit; illa enim nec offendit, nec labefactari potest, sed quia illius instrumentum violatum est, tum quidquid sit, organum sapit non animam, & illa vitiosò corpore coercita quæ sui sunt muneris exequi non potest; inde plerumque vitiosi animi mores, hinc & verus illud cauendum à signatis, si quidem convenienti corporis mediocritate illa teneri desiderat, quæ si parum commutabitur, functionibus illa suis interpellabitur, sin multum, tantam illa discrepantiam perhorrescens nec ferre potis, de corpore decedit. Sequuntur & animi mores cœli solique diuersas constitutiones, si quidem hominum formæ & mores, regionis naturam & temporum mutationes imitantur: hinc Asiaticorum mores humaniores & benigniores Europæis, hinc Asiaticis bellicosiores; quin inter Europæos & Asiaticos, pro anni temporum mutationibus sunt alij tum formâ & magnanimitate tum moribus inter se differentes; denique & alimenta animi mores immutant, hinc campestrium hominum quorum est victus agrestis & ferinus, agrestes illi plerumque & ferini, vrbanoorum quorum laudatissima edulia sunt, laudatissimi quoque & Massilienses animi mores.

Ergo Animi Mores sequuntur corporis temperamenta.

DOMINI DOCTORES DISPVTAVRI.

M. Isaacus Renaudor.
M. Antonius Morant.
M. Petrus Regnier.

M. Ioannes Hamon.
M. Ioannes Aurin.
M. Simon Boulor.

M. Franciscus Boujonier.
M. Franciscus Mandat.
M. Claudius Lienard.



Proponebat Lutetiæ NICOLAUS LIENARD, Parisinus, A. R. S. H. M. DC. LIV.